

ՀՈՐԵԼՅԱՆԱԿԱՆ ՆՍՏԱՇՐՋԱՆ՝ ՆՎԻՐՎԱԾ ՄԽԻԹԱՐ ԳՈՇԻ ՄԱՀՎԱՆ 750-ԱՄՅԱԿԻՆ

Միջնադարյան հայ ականավոր գիտնական, քրոդ ու մանկավարժ, մեծ մտածող Մխիթար Գոշի մահվան 750-ամյակին էր նվիրված ՀՍՍՌ Մինիստրների սովետին առընթեր Մաշտոցի անվան հին ձեռագրերի գիտա-հետազոտական ինստիտուտ «Մատենադարանի» սույն թվականի ապրիլի 10-ի հորելյանական գիտական նստա-
շրջանը:

Նստաշրջանի բացման խոսքի մեջ Մատենա-դարանի դիրեկտոր, ՀՍՍՌ ԳԱ թղթակից-ան-դամ Լ. Խաչիկյանը բնութագրեց Մխիթար Գոշի ժամանակաշրջանն ու սոցիալ-քաղաքական մի-ջավայրը, անդրադարձավ նրա կյանքի, գիտա-կան ու մշակութային գործունեության հիմնա-կան հարցերին:

ՀՍՍՌ ԳԱ ակադեմիկոս Ա. Հովհաննիսյանը զեկուցում կարդաց «Մխիթար Գոշի մատենա-գրության պատմական արժեքը» թեմայով: Գոշի մատենագրության մեջ, —ասում է զեկուցողը,— բացառիկ արժեք են ներկայացնում նրա առակ-ներն ու Դատաստանագիրքը: Գոշը գոյություն ունեցող օրենքների ու իրավական նորմերի ար-ձանագրող չէր միայն, այլև շրջահայեցարար, դարաշրջանի ու միջավայրի կոնկրետ պահանջ-ների հաշվառումով, սրբագրում էր դրանք, դե-կավարվելով բնական օրենքի բնականուր սկզբ-րունքներով:

Գոշը, —շարունակում է զեկուցողը,—կողմնո-րոշվում էր դեպի հայերի եկեղեցական ու քա-ղաքական ինքնորոշումը, հույս դնելով վրաց թագավորության վերելքի վրա: Նա երկրի ազա-տագրման նախապայման էր համարում սելջուկ-յուրի դեմ հայ-վրացական ուժերի համախմբու-մը, ֆեոդալական անիշխանությանը հակադրում էր կենտրոնական թագավորության իր տեսու-թյունը, հավատում էր հայկական թագավորու-թյունը վերականգնելու հեռանկարին, հետա-մուտ էր ֆեոդալական ձևումների մեղմացմա-նը, համոզված լինելով, որ ժազատ յարարչին եղև մարդկայինս բնութիւնս: Գոշի ռեալիստա-կան մտածողությունն արտահայտվում էր այն բանում, որ նա ձորտերի անազատ վիճակը հետևեցնում էր հողի և ջրի բնական կարիքից: Գոշը մարդկանց «բնական իրավունքի» իր ուս-մունքով լրջառաջում է երկրի ու ժողովրդի բնահանուր շահերին ու առաջավոր մղումներին: Նրա բնահանուր իրավահայեցողությունը չի կանխում գալիք դարերը, այլ գիրքավորվում է իր դարում առաջավոր բնույթ ստացած տեն-դենցներից մեկի օգտին:

«Անձի քրեական-իրավական պաշտպանության հարցերը ըստ Մխիթար Գոշի Դատաստանա-

գրքի» թեմայով հանդես եկավ դոցենտ Ա. Թով-մասյանը: Գոշի Դատաստանագիրքը, —ասաց նա,—իր ժամանակաշրջանի իրավաբանական մտքի ամենամեծ նվաճումներից է: Դարեր շա-րունակ այն եղել է գործող օրենսդրություն և աղբյուր ծառայել ինչպես հայ, այնպես էլ մի շարք այլ ժողովուրդների օրենսդրական-իրա-վաբանական հուշարձանների համար: Դատաս-տանագրքում հետևողականորեն հանցավոր ոտ-գոթյուններից պաշտպանվում է անձը, մարդու կյանքը, առողջությունը, անձեռնմխե-լիությունը, պատիվն ու արժանապատվությունը: Նրա իրավանորմերը ձևակերպված են դասա-կան պարզությամբ, հաճախ արստրահված և անթերի կերպով: Լինելով մեծ մարդասեր և իրավաբան նա, այնուամենայնիվ, հեռու չէր ժամանակաշրջանի տիրապետող աշխարհայե-ցողությունից և մարդկանց միջև դասային-դա-սակարգային բաժանում ու խտրականություն բնորոշելու սկզբունքներից:

Դատաստանագրքի ստեղծման պատմությանը էր վերաբերում բանասիրական գիտությունների թեկնածու Աս. Մնացականյանի զեկուցումը: Մատենանշելով Դատաստանագիրքը շարադրանքի ու կառուցվածքային տեսակետից ուսուսասի-րելու անհրաժեշտությունը, զեկուցողն ասում է, որ Գոշի այդ երկը մեզ է հասել երկու հիմնա-կան խմբագրություններով, սակայն խմբագրու-թյունների ուսումնասիրությունը տակավին ըս-պառված չէ և նոր հետազոտությունների ու ստեղծագործական քննարկումների անհրաժեշ-տություն է հարուցում: Դատաստանագրքի, և առհասարակ ամեն մի նշանակալից ստեղծա-գործության հանգես գալը միջնադարում բախ-վում էր երկրի կրոնական հետադեմ ուժերի, ինչպես նաև օտարերկրյա տիրապետողների դիմադրությանը: Գոշը մտորումների մեջ էր, նա «զարհուրեալ ի պարսաւագիտաց» չէր կա-րողանում սկսել իր աշխատանքը: Դասեռ անա-պատի մտավորականներն ու Աղվանից Ստե-փանոս կաթողիկոսը պաշտպանության տակ Լն առնում Գոշին, 1184 թ. Դատաստանագիրքն արդեն պատրաստ էր: Սակայն Ստեփանոս կա-թողիկոսի սպասելիքները չարդարացան, նա շատացավ իր ցանկացած Դատաստանագիրքը, ուստի սկսեց հալածել Գոշին: Դատաստանա-գրքի հեղինակը նորից դեգերումների ու մտո-րումների մեջ ընկավ: Այժմ նոր հովանավորու-թյուն էր պետք Դատաստանագիրքը ճանաչել տալու և գործողության մեջ գնելու համար: Վերջապես, Դատաստանագիրքը քննարկվում և հավանության է արժանանում Գետիկում, այս-
պէս

համընդհանուր ճանաչում գտնում Կիլիկիայում, տարածվում ասորոց Հայաստանում, իսկ հետո՝ նրա սահմաններից դուրս, հայ գաղութներում:

Իսկանի շրջանային սովետի գործկոմի նախագահ Ր. Էլլարյանի զեկուցման թեման էր «Նոր Գետիկի վանքը և Մխիթար Գոշը»: Զեկուցողը պատմական տեղեկություններ տվեց Նոր Գետիկի, ինչպես նաև շրջակա մյուս հուշարձանների մասին, նշեց, որ Նոր Գետիկի վանքը հայ միջնադարյան ճարտարապետության հոյակապ կոթողներից է, նա եղել է ժամանակի գիտական և ուսումնական խոշորագույն կենտրոններից մեկը, այդ վանքի հիմնադրումն ու որպես մշակութային օջախի բարձրացումը կապված է Մխիթար Գոշի անվան հետ: Զեկուցողը ցանկություն հայտնեց Նոր Գետիկի վանքի վերածել թանգարանի և նրա առաջ դնել Մխիթար Գոշի արձանը: Նա առաջադրեց Գոշի հուղարկելն նվիրված գիտական նետաշոգան անցկացնել նաև Բջեանում, տեղի աշխատավորության ներկայացուցիչներին մասնակից դարձնելով նստաշրջանի աշխատանքներին:

Բանասիրական գիտությունների թեկնածու էմ. Պրվազյանը զեկուցեց Գոշի առակների մասին: Հնում, —ասում է զեկուցողը, — գեղարվեստական դրականությունը, հատկապես արձակո, ինքնուրույն բնագավառ չէր, այլ համադրված էր պատմագրությանը: Գոշի առակների ժողովածուն աղտոնակետից առաջին արձակ զեղարվեստական երկն է, իսկ նրա հեղինակը զեղարվեստական արձակի հիմնադիրն է հայ գրականության մեջ: Առակներում արտացոլված է ժամանակի հասարակության պատկերն իր բազմազան գծերով, այլարանորեն ներկայացված են հասարակական տարրեր խավերի, դասերի ու դասակարգերի ներկայացուցիչներն իրենց փոխհարաբերությունների մեջ, շոշափված են սոցիալական խնդիրներ: Գոյր ծաղրում է աշխատավորների ունեցվածքը հավշտակող իշխաններին, չար առաջնորդներին, աղահ ու կաշառակեր հողեորականներին: Գոշն աշխատավորության գաղափարախոսը չէ, բայց համակ-

րում է այդ դասին, քանում է հաշտեցնել «հնազանդյալներին» ու տերերին, հողերը և աշխարհիկ իշխաններին՝ ազգային ուժերը համախմբելու և արտաքին թշնամու դեմ ուղղելու նպատակով: Նրա առակների մեծ մասի սյուժեն խրեոտրույն է, մյուսների համար աղբյուրներ են եղել Ս. Գիրքը, «Բարոյախոս»-ը և ժողովրդական առակները: Մեծ մասամբ առակների նյութը բաղված է կենդանիների, սակավ զնայրերում՝ բույսերի ու մարդկանց կյանքից: Այնուհետև զեկուցողն առակները բաժանում է երեք հիմնական բաժինների և տալիս դրանցից յուրաքանչյուրի գիտական վերլուծությունը:

Մատենադարանի գիտաշխատող Խ. Թորոսյանի թեման էր «Մարդու և անձի պոռթկմբ Մխիթար Գոշի Դատաստանագրություն»: Զեկուցողը նշում է, որ Գոշը իրավական նորմերի ստեղծման համարող ու գրանցող չէ, այլ իր վերաբերմունքն է հանդես բերում այդ նորմերի նկատմամբ: Դատաստանագրություն առկա է ոչ միայն Գոշ-իրավաբանը, այլև Գոշ-մտածողն ու մեծ մարդասերը: Այն նախորդ դարերում, աշխարհի տարրեր ժողովուրդների հին դատաստանագրություն իրար դեմ կանգնած են մարդն ու անձը՝ որպես տարրեր և հակադիր հասկացություններ, ապա այդպես չէ Գոշի դատաստանագրություն: Այնտեղ «մարդ» և «անձ» հասկացությունները հակադիր չեն, այլ համատեղվում են: Դատաստանագրքի նորմերը ձևակերպված են հստակ, նրանցից շատերի մեջ առկա է արստրահումը: հանցանքը բոլոր դեպքերում պետք է պատժվի, անկախ այն բանից, թե ով է հանցանք կատարողը: Չնայած Գոշը հեռու չէ մարդկանց միջև ինչպես դասակարգային, այնպես էլ ազգային ու կրոնական խտրականություն տեսնելուց, սակայն կարևորն այն է, որ Գոշի մոտ գոյություն ունի մարդը, որը և անձ է: Դրանով էլ, առաջին հերթին, Գոշը միջնադարում վեր է բարձրանում ոչ միայն որպես մեծ իրավագետ, այլև որպես մեծ մտածող ու մարդասեր:

Հ. ԱՄԱԼՅԱՆ

ՎԱՍՏԱՆԱՎՈՐ ՊԱՏՄԱՐԱՆԸ

Սույն թվականի ապրիլի 2-ին Երևանի պետական համալսարանի նիստերի ղախիմում տեղի ունեցավ հանդիսավոր նիստ, նվիրված համալսարանի ՄԱՌՄ պատմության ամբիոնի վարիչ, Հայկական ՄԱԹ գիտությունների ակադեմիայի թղթակից-անդամ, գիտության մատակավոր գործիչ, պատմական գիտությունների դոկտոր, պրոֆեսոր Վահան Հարությունի Ռշտունու

ծննդյան 70-ամյակին և գիտա-մանկավարժական գործունեության 50-ամյակին:

Հանդիսավոր նիստը բաց արեց Երևանի պետական համալսարանի ռեկտոր, բիոլոգիական գիտությունների դոկտոր, պրոֆ. Հ. Բատիկյանը: Նրա ներածական խոսքից հետո հորեւյրի գործունեության մասին զեկուցեց գոյենա Ռ. Մովսիսյանը: